



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

11 JANUARI 2021 (ISNIN)



KEMENTERIAN PERDAGANGAN DALAM NEGERI
DAN HAL EHRAL PENGGUNA

KERATAN AKHBAR DAN MEDIA ONLINE (KPDNHEP)

11 JANUARI 2021 (ISNIN)

Swasta digesa bantu tingkat pasarkan produk keperluan

Kerajaan pastikan rakyat dapat barangan dengan harga berpatutan

Oleh Alzahrin Alias
zahrin@bh.com.my

Kerajaan akan melaksanakan lebih banyak program perkongsian strategik awam dan swasta bagi pemasaran barangan keperluan pengguna.

Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi, berkata ini bagi memastikan rantai bekalan dapat dipendekkan sekali gus membantu rakyat mendapatkan barangan dengan harga berpatutan.

Katanya, kementerian juga akan terus berbincang dengan beberapa syarikat swasta bagi pemasaran barangan keperluan pengguna.

"KPDNHEP sentiasa mencari kaedah bagaimana dapat membantu rakyat mendapatkan barangan dengan harga berpatutan selain memendekkan rantai bekalan.

"Apabila rantai bekalan dapat dipendekkan, kos akan lebih rendah. Ini bagi menangani peranan orang tengah yang mempengaruhi harga.

"Ia juga membolehkan pengem-



Alexander (dua dari kanan), Ronald (dua dari kiri), Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid (kiri) serta Naib Presiden Pemasaran PETRONAS, Ahmad Adly Alias pada majlis pelancaran Segar@Mesra di Kajang, baru-baru ini.

(Foto Aswadi Alias/BH)

bangkan pemasaran produk tempatan secara berterusan. Oleh itu kerjasama pihak swasta sangat digalakkan," katanya selepas pelancaran Segar@Mesra bersama Menteri Pertanian dan Industri Makanan (MAFI), Datuk Seri Dr Ronald Khandee di Kajang, baru-baru ini.

Segar@Mesra adalah program terbaru KPDNHEP dan MAFI bersama Petronas Dagangan Bhd (PDB).

Kedai Mesra PETRONAS terpilih akan memasarkan produk sejuk beku seperti sayuran, ikan, ayam dan buah daripada tiga agensi di bawah MAFI iaitu Pertubuhan Peladang Kebangsaan

(NAFAS), Persatuan Nelayan Kebangsaan (NEKMAT) dan Lembaga Pemasaran Pertanian Persekutuan (FAMA).

Mengulas lanjut, Alexander berkata, kerjasama strategik Segar@Mesra akan membantu KPDNHEP memperkasa sektor ekonomi serta mewujudkan ekosistem perdagangan domestik dengan lebih efisien.

Sementara itu, Ronald Khandee berkata, MAFI sentiasa mencari peluang serta kaedah baru dalam pemasaran yang boleh membantu meningkatkan pendapatan petani, penternak dan nelayan.

Beliau berkata, semua pihak harus berganding bahu dalam pemasaran terus produk barangan

keperluan sebegini.

"Pemasaran terus melalui kerjasama sektor swasta seperti PDB adalah platform terbaik memperluaskan jangkauan dan pada masa yang sama menunjukkan kualiti serta menggalakkan penggunaan produk tempatan.

"Ketika ini 40 penternak mendapat manfaat daripada inisiatif Segar@Mesra dan kami menyasarkan ia akan diperluaskan seiring dengan perkembangan.

"MAFI juga akan memberi bantuan kepada agensi melalui pembelian peralatan yang diperlukan di Kedai Mesra PETRONAS seperti pendingin, penyejuk beku dan promosi," katanya.

Penularan COVID-19

'Jangan buat pembelian panik'



Orang ramai membeli barangan keperluan seperti biasa dan tidak membuat pembelian panik biarpun terdapat spekulasi bahawa PKP akan dilaksanakan semula. (Foto BERNAMA)

Rakyat diminta tak terpengaruh pelbagai andaian, tunggu pengumuman PM

Oleh Nor Fazlina Abdul Rahim dan Samadi Ahmad
bhnews@bh.com.my

Kota Bharu: Kerajaan mengingatkan masyarakat supaya tidak melakukan pembelian panik dengan pelbagai jangkaan mengenai pengumuman yang akan dibuat Perdana Menteri, Tan Sri Muhyiddin Yassin, hari ini.

Menteri Kanan (Keselamatan), Datuk Seri Ismail Sabri Yaakob, meminta orang ramai tidak terpengaruh dengan khabar angin di media sosial, kononnya ada sekatan jalan raya yang dilakukan polis, semalam.

"Jangan bimbang, esok (hari ini) akan ada pengumuman oleh Perdana Menteri dan kita akan tahu.

"Jadi, jangan serbu (pasar raya). Masyarakat perlu bertenang. Kita tahu, rakyat takut sebab COVID-19 semakin meningkat.

"Namun, kerajaan mengambil kira semua aspek dari segi kesihatan dan pada masa sama,

keperluan ekonomi rakyat," katanya selepas Majlis Penyerahan Barang Bantuan kepada Mangsa Banjir di Kelantan di Kem Pengkalan Chepa, di sini.

Yang turut hadir, Panglima Tentera Darat, Jeneral Datuk Zamrose Mohd Zain.

Di Putrajaya, Kementerian Perdagangan Dalam Negeri dan Hal Ehwal Pengguna (KPDN-HEP) memberi jaminan bekalan barangan keperluan mencukupi serta mampu untuk menampung keperluan secara berterusan.

Menterinya, Datuk Seri Alexander Nanta Linggi, berkata pihaknya maklum mengenai situasi pembelian panik yang berlaku di beberapa kawasan di negara ini.

Katanya, keadaan itu berlaku mungkin disebabkan pengumuman khas yang akan disampaikan Perdana Menteri, hari ini, berhubung perkembangan semasa jangkitan COVID-19 yang menunjukkan trend peningkatan

tan kebelakangan ini.

"Situasi pembelian panik ini tidak sepatutnya berlaku kerana hasil pemantauan anggota Penguat Kuasa KPDNHEP mendapati bekalan barangan di semua sektor peruncitan mencukupi," katanya menerusi kenyataan, semalam.

Antara barangan yang dipantau ialah gula, minyak masak, tepung gandum, beras, roti putih, susu tepung, ayam, sayur-sayuran, telur, bawang, cecair sanitasi tangan dan pelitup muka.

Pemantauan 12 barangan keperluan itu membabitkan 2,711 peruncit terpilih daerah, 1,039 pemborong terpilih daerah, 223 pengilang terpilih daerah yang merangkumi 222 Parlimen dan 576 Dewan Undangan Negeri.

Alexander berkata, hasil pemantauan harian mendapati semua premis perniagaan pada peringkat pengilang, pemborong dan peruncit masih beroperasi seperti biasa.

Katanya, situasi itu juga menyumbang kepada kestabilan dan keberadaan barangan keperluan dalam pasaran.

Keadaan itu, katanya, berbeza ketika Perintah Kawalan Pergerakan (PKP) dilaksanakan pada 18 Mac tahun lalu apabila kebanyakan premis perniagaan terpaksa ditutup dan memberi kesan kepada keberadaan bekalan barangan keperluan di pasaran.

Kerajaan mengambil kira semua aspek dari segi kesihatan dan pada masa sama, keperluan ekonomi rakyat.

Ismail Sabri Yaakob,
Menteri Kanan (Keselamatan)



Orang ramai tak usah buat pembelian panik

ORANG ramai dilihat membeli barangan keperluan seperti biasa dan tidak membuat pembelian panik biarpun terdapat spekulasi PKP akan dilaksanakan semula dalam tinjauan di pusat membeli-belah ST Rosyam Mart di ibu kota, semalam.

Putrajaya: Orang ramai dinasihatkan untuk tidak melakukan pembelian panik kerana ia boleh memberi kesan kepada kekurangan bekalan barangan keperluan di dalam pasaran.

Menteri Perdagangan Dalam Negeri dan Hal Ehwal Pengguna Datuk Seri Alexander Nanta Linggi dalam satu kenyataan semalam berkata, bekalan bara-

ngan di dalam pasaran ketika ini terkawal.

"Semua anggota penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) di seluruh negara akan terus giat melakukan pemantauan setiap hari bagi memastikan bekalan barangan keperluan terus terjamin buat semua pengguna," katanya.

Nanta berkata, situasi pembelian panik yang dilaporkan di beberapa kawasan di negara ini mungkin berlaku berikutan pengumuman khas yang akan dibuat Perdana Menteri Tan Sri Muhyiddin Yassin hari ini mengenai tindakan yang akan dilaksanakan kerajaan berhubung situasi semasa jangkitan Covid-19.

Katanya, situasi itu tidak

sepatutnya berlaku memandangkan bekalan barangan di semua sektor peruncitan mencukupi dan semua premis perniagaan di peringkat pengilang, pemborong dan peruncit beroperasi seperti biasa.

Nanta berkata, keadaan ini berbeza ketika Perintah Kawalan Pergerakan (PKP) yang pertama kali dilaksanakan pada 18 Mac 2020

apabila kebanyakan premis perniagaan ditutup dan memberi kesan kepada keberadaan bekalan barangan keperluan dalam pasaran.

Katanya, KPDNHEP sentiasa membuat pemantauan harian terhadap keberadaan barangan keperluan pengguna termasuk gula, minyak masak, tepung gandum, beras, roti putih, susu tepung, ayam, sayur-say-

uran, telur, bawang, cecair sanitasi tangan dan pelitup muka.

"Pemantauan 12 barang keperluan ini membabitkan 2,711 peruncit terpilih daerah, 1,039 pemborong terpilih daerah dan 223 pengilang terpilih daerah yang merangkumi 222 kawasan Parlimen dan 576 Dewan Undangan Negeri," katanya.

Bekalan barang cukup, jangan buat pembelian panik



KPDNHEP memberi jaminan bekalan barangan keperluan mencukupi di semua sektor peruncitan setakat ini. - GAMBAR HIASAN

PUTRAJAYA - Pengguna diingatkan supaya tidak membuat pembelian panik susulan pengumuman Perdana Menteri, Tan Sri Muhyiddin Yassin hari ini.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi menegaskan, bekalan barangan di semua sektor peruncitan adalah mencukupi.

Menurutnya, hasil pemantauan yang dijalankan setiap hari mendapati semua premis perniagaan di peringkat pengilang, pemborong dan peruncit masih beroperasi seperti biasa.

"Ini menyumbang kepada kestabilan dan keberadaan barangan keperluan di dalam pasaran.

"Keadaan ini berbeza ketika

Perintah Kawalan Pergerakan (PKP) pertama kali dilaksanakan pada 18 Mac tahun lalu di mana kebanyakan premis perniagaan terpaksa ditutup dan memberi kesan kepada bekalan barangan keperluan," katanya di sini semalam.

Beliau mengulas laporan media mengenai isu itu ekoran pengumuman khas Perdana Menteri hari ini berhubung situasi semasa penularan Covid-19.

Ini termasuk tindakan yang bakal dilaksanakan oleh kerajaan susulan trend peningkatan kes Covid-19 sejak kebelakangan ini sehingga didakwa mencetuskan senario pembelian panik sejak kelmarin.

Alexander berkata, pihaknya

memahami kegusaran pengguna, namun Kementerian Sentiasa memantau barangan keperluan bagi memastikan ia mudah diperolehi di pasaran.

"Antara barangan yang dipantau termasuklah gula, minyak masak, tepung gandum, beras, roti putih, susu tepung, ayam, sayur-sayuran, telur, bawang, cecair sanitasi tangan dan pelitup muka," ujarnya.

Alexander berkata, pemantauan 12 barangan keperluan itu membabitkan 2,711 peruncit terpilih daerah (DDR), 1,039 Pemborong Terpilih Daerah (DDW), 223 Pengilang Terpilih Daerah (DDM) merangkumi 222 Parlimen dan 576 Dewan Undangan Negeri (DUN).

ADEQUATE NECESSITIES

AVOID PANIC BUYING, SAYS MINISTER

Ministry to continue monitoring supplies amid concerns about PM's announcement

ESTHER LANDAU
KUALA LUMPUR
news@nst.com.my

THE Domestic Trade and Consumer Affairs Ministry yesterday assured Malaysians that there was no need for panic buying as the supply of basic necessities remained adequate.

Minister Datuk Seri Alexander Nanta Linggi said the situation was under control.

Daily inspections by the ministry, he said, showed that all business operations were running as usual.

"The ministry is aware of the current panic buying in several areas prior to the special announcement by Prime Minister Tan Sri Muhyiddin Yassin scheduled for tomorrow (today) on the government's next move on the Covid-19 situation.

"There is no need for panic buying as necessities are adequate," he said in a statement.



Datuk Seri Alexander Nanta Linggi

Nanta Linggi also said that the ministry would continue to monitor supplies to ensure they were sufficient to meet the needs of consumers.

Among the items that were being monitored, he said, were sugar, cooking oil, flour, rice, white bread, milk powder, chicken, vegetables, eggs, onions, hand sanitizers and face masks.

"The monitoring of these 12 items will involve 2,711 designated district retailers, 1,039 district wholesalers, and 223 district manufacturers in the country," he added.

Checks by the *New Straits Times* at supermarkets and grocery stores in the Klang Valley yesterday saw small crowds.

Business activities appeared under control and no panic buying was seen.

Shoppers who were interviewed said they were more prepared and calmer this time amid talk of a possible lockdown.

They did not think the Movement Control Order (MCO) would be reinstated, but said that the government might impose lockdowns in targeted or hotspot areas.

H.K. Wong, 64, a regular patron at a supermarket in Petaling Jaya, said there was a large crowd earlier, but fewer people came later.

"I think it was just a normal weekend grocery shopping run for people.



Supplies are adequate and queues of customers remain at a manageable level as seen at a supermarket in Kuala Lumpur yesterday. BERNAMA PIC

"I don't see any panic buying at this supermarket today (yesterday) — I think it is under control. I believe everyone is calmer this time and more composed.

"I hope the MCO will not be reimposed, as it would take a toll on the economy and livelihoods of the people," he said.

Another shopper, 61-year-old Colin Gerard Gomez, agreed. He usually did his grocery shopping at one of the markets in Petaling Jaya Old Town, and said there

was no panic buying.

He also believed the government would not impose a "total lockdown", but that it would be targeted in hotspot areas.

"I am more prepared, as we know what to do if the government were to announce an MCO, I also don't see any panic buying at supermarkets

"As for the crowd, I think it's just routine grocery shopping. If MCO were to happen, the head of the family can go out and buy all the

supplies and there is no need for the whole family to follow. It will be like the first MCO," he added.

An information counter staff at one of the supermarkets in Damansara also said that there was no panic buying at the premises since Saturday.

The prime minister will make the much-awaited announcement on the possibility of reintroducing the MCO and tighter standard operating procedures (SOP) today.



Jangan naik harga barang

KPDNHEP beri amaran
kepada peniaga

Oleh ZULHISHAM ISAHAK

JOHOR BAHRU

Kementerian Perdagangan Dalam Negeri dan Hal Ehwal Pengguna (KPDNHEP) Johor memberi amaran kepada peniaga di negeri ini supaya tidak menaikkan harga barang terutama pada musim banjir ketika ini.

Pengarah KPDNHEP, Mohd Hairul Anuar Bohro berkata, tindakan tegas akan diambil sekiranya mendapati peniaga yang melakukan kesalahan berkaitan harga dan juga bekalan.

"Anggota penguat kuasa KPDNHEP di negeri ini yang melibatkan seramai 200 orang akan sentiasa memantau dan melaksanakan pemeriksaan agar bekalan asas dan harian adalah mencukupi bagi rakyat Johor.

"Kita telah mengambil inisiatif dan tindakan proaktif dengan membuat pemantauan dan pemeriksaan secara berterusan ke atas kedudukan bekalan barang-barang keperluan asas di seluruh Johor," katanya dalam satu kenyataan di sini pada Ahad.

Katanya, hasil pemantauan dan pemeriksaan yang dijalankan, bekalan barang-barang keperluan adalah mencukupi dan mudah diperoleh.

Sehingga kini juga katanya, bekalan barangan keperluan asas mencu-



Penguat kuasa KPDNHEP Johor melakukan pemeriksaan harga barang di kedai runcit dan premis sekitar Skudai, Johor Bahru pada Ahad.

kupi di semua peringkat pengilang, pemborong dan peruncit.

Beliau berkata, berdasarkan rekod, sebanyak 367 premis diperiksa KPDNHEP Johor meliputi 267 peruncit, 85 pemborong dan 15 pengilang di seluruh daerah di negeri dari 1 hingga 9 Januari lalu.

KPDNHEP Johor juga mendapati tiada berlaku kenaikan harga ke atas barangan keperluan asas sepanjang pemeriksaan dijalankan, katanya.

"KPDNHEP Johor menasihati orang ramai agar membeli barangan mengikut keperluan sahaja dan tidak membeli barangan berlebihan," ujarnya.

Para pengguna juga dinasihatkan agar terus mematuhi prosedur opera-

si standard (SOP) dan nasihat-nasihat kesihatan yang ditekankan terutama ketika keluar mendapatkan barangan keperluan harian.

Pengguna di Johor boleh menyalurkan maklumat atau aduan berkaitan salah laku peniaga melalui talian 03-8000 8000 Malaysia Government Call Centre (MYGCC); call centre 1800 886 800 atau Enforcement Command Centre (ECC) 03-8882 6245/6088.

Ini termasuk nombor aduan WhatsApp KPDNHEP iaitu 019-279 4317; emel e-aduan@kpdnhep.gov.my; aplikasi telefon pintar Ez ADU dan lapor atau hadir ke mana-mana Pejabat Cawangan Daerah KPDNHEP di seluruh negeri.

 Senarai Harga Barang Keperluan	• Ayam RM5.99	• Telur Gred A RM9.79	• Gula Pasir RM2.85	• Cili Merah RM12.90
	• Daging Lembu Tempatan RM32	• Ikan Kembung RM6.99	• Bawang Besar Holland RM2.69	• Kubis Tempatan RM3.80
	• Daging Lembu Import RM24	• Minyak Masak RM5.32	• Bawang Putih RM4.88	• Tepung Gandum RM2.15
<i>*Harga (RM/kg) Sumber: KPDNHEP</i>				